

certainement joui de la vie – ouille est habillyie à la derniethe mode.

**M-D-L-C** *(La coppant court.)*

Janmais d'vot' vie – ous vos êtes trompée – Héléne n'a pas les moyens d'accater de neu's habits.

**M. Nicolle** Comme ouille est votre amie de jaunnessee, la prochaine fais que j'la verrai j'li d'mand'dai de tâchi de vos faithe abandonner l'idée de rester au lièt pour tréjours.

**M-D-L-C** Qu'ou' y êprove la garçe. Ou'm' connaît trop bein pour faithe ditet ou' comprends parfaitement bein que j'ai oui les vouaix. Je sommes comme deux soeurs li et mé – nées le même jour et je perdîmes nos hommes dans le couothant de la même semaine.

**M. Nicolle** I' faut que j'vos dise accuo eune fais que vot' décision sen va causer bein d'la peine et du chargrin au Recteu.  
*(Lise ouvre la porte. Oulle a l'air excitée.)*

**M-D-L-C** *(Brusquement.)*  
Tch'est que tu veurs ichin a ch't'heu.

**Lise** *(Grignant.)*  
Ch'est Madam Desgranges; ouille est à la heche du gardin; ou' s'en veint ichîn.  
*(Ou' gringne et grigne.)*

**M-D-L-C** Ch'est seux qu'ou' sen veint me souhaiter bonheur au lièt.

**Lise** *(De pus en pus excitée.)*  
Oh mémée *(grignant)*, tu devthais la vaie – ou' pathais comme eune Reine.

**M-D-L-C** *(Sévèthement.)*  
Controle té don Lise – ne reste pas la. Madame Nicolle s'en va s'en aller – va auve lyi jusqu'a la porte. Merci pour vot' visite – mais vraiment eune perte d'temps pour vous.

**M. Nicolle** *(Tristement.)*  
Nan, je n'ai pas reüssi, je'n seis pas tch'ique le Recteu s'en va dithe.

**M-D-L-C** A bétôt Madame – mes complyîments au Recteu'. Mais Lise tch'est que tu'as don?